



# Bájkkeavijssa NuorttaSálto

## Julevsáme vahkko vuorbástuváj

Vásse ájllega ásaduváj Julevsáme vahkko Divtasvuonan, gánná lidjin moadda mielagiddis dájma mánájda, nuorajda ja állessjattugijda.

Álgadiddje ja prosjevta jádediddje Odd Levi Paulsen le dudálasj.

- Riek dudálasj lev. Moattes sæbrrin dájmajda, ja dáv boahhte jahkaj aj lij dáhkkit ásadit, javllá.

Moadda dájma gávnnujin, ma lidjin buoremus láhkáj koordineridum Paulsenis aktan viehkkij. DSJ (Doajmmasiebrre Julevsábme), Árran julevsáme guovdásj Gielabiese baktu, Sálto Sáme Siebrre, Liddno ja Duodje Nordlándna aktan ásadin dá jahkasasj dáhpadusáv sæmmi vahko gá Hellmocupaj lij. Vahkko lij julevsáme kultuvrraj, giellaj ja valástallamávuj.

- Álgos sávajma ienep dájma nuorajda mijá dáfon, maj vuodo le sáme árbbediedon, -giellan ja kultuvran. Ulmme le nuorajt diedulattjan dahkat ietjamij sáme viessomvuoge birra. Árror sierralágásj tjáppa riikaguovlon gánná dálusj sáme árbbedábe vilá uddni li viesso; gal máhtudahka ja subtsasa gulliji, subtsas álgadiddje Paulsen.

7 nuora várrevádtsemij sæbrrin Ájláttes Måsskáj, ja dánna dássju sámeigiella gulluj.

Tjálle: Kitty Skapalen  
Járggálibme: Divte Media AS/Ingrid Kintel



Árbbedábálasj biebbmo. Sáme biebbmokursan duola dagu gáhkkijin.

TRADISJONSRIK MAT. Samisk matlagingskurs med blant annet gáhko.

Måskén giellagoahte tsieggiduváj mij álles vahkov tjuottjoj.

- Ájnas le gá giella gullu. Oajvveulmme prosjevtajn lij nannit ja giellabargujn joarkket, aktan kultuvrajn ja árbbedábij.

Sálto Sámesiebrre NSR fála j ulmutjijt sæbrrat kurssaj Trapes-Luftakrobatikk (sirkushárjjidusá), DSJ ásadij bálotjektjamskávláv mánájda ja nuorajda (6-17 jage) Hellmocupaj ávddála, 20 sæbrrin Duodje Norlánda duodjekurssaj, biebbmokursav birrusin lágés tjuovvun. Birrusij 50 gulldalín lágádallamij "Kulturbasert næringsutvikling blant unge i lulesamisk omráde". Lars Th Kintel lágádáláj

aktan Romeo Singh Gillajn, tjálle Indias guhti giehtoj man ájnas mávtástuhttem le gá galggá ietjas ulmijt jáksát. Dáv lágádallamav Singh Gill gáhtjoj "Drømmeapasningen".

- Hávsskes vahkko le læhkám. Aktabuohta gá sámevuohta ávddán læggiduvvá, de aj aktan hávsskudallap vahkov miehtáj mij álliduvvá Hellmocupaj. Dá jahkasasj cupan oassálasstin vihtta álmamájuohkusa, gálmamá nissunjuohkusa, duodden báhtta ja næjtso-tjektjamij. Lidjin birrusij 120 oassálasste. Nav de vahkko vuogas láhkáj álliduváj, læhpat Paulsen.



Buosjes tjehtje. Bálotjektjamskávláv mánájda ja nuorajda gaskan 6-17 jage. Ivrrige spillere. Fotballskole for barn og ungdom fra 6 til 17 år.



Sjuggelis barggo. Kárrtádahkam workshop. KREATIV UTFOLDELSE. Workshop i kortlagning.



SPRELSKE UTFORDRINGER. I gymnsalen i Musken skole var det mulighet for å prøve seg på luftakrobatikk.